

Tillögur að heildarendurskoðun reglna Sveitarfélagsins Árborgar um fjárhagsaðstoð

Efnisbreytingar til umræðu á fundi félagsmálanefndar
30. mars 2021 eftir ábendingar nefndarinnar um
úrbætur á fyrri tillögum sem lagðar voru fyrir nefndina
þann 10. mars sl..

Guðrún Svala Gísladóttir teymisstjóri ráðgjafateymis félagsþjónustu

Margrét Anna Guðmundsdóttir félagsráðgjafi í fjárhagsaðstoð og félagslegri ráðgjöf

17. gr. Upphæðir fjárhagsaðstoðar

- Framfærslugrunnur einstaklinga sem sannanlega reka eigið heimili er 1,0 eða **kr. 170.130,-**. Með rekstri eigin heimilis er átt við þær aðstæður þegar viðkomandi býr í eigin húsnæði eða leigir húsnæði og leggur fram þinglýstan húsaleigusamning því til staðfestingar.
- Framfærslugrunnur hjóna og fólks í sambúð er 1,6 eða **kr. 272.208,-**
- Framfærslugrunnur einstaklinga sem búa með öðrum, leigja húsnæði án þinglýsts leigusamnings eða hafa ekki aðgang að húsnæðier 0,8 eða **kr. 136.105,-** .
- Framfærslugrunnur einstaklinga sem búa hjá foreldrum **eða sannanlega greiða ekki húsnæðiskostnað** 0,45 eða **kr. 76.559,-** . Hafi umsækjandi forsjá barns og hafi barn lögheimili hjá honum reiknast umsækjandi út frá framfærslugrunni 0,8.

Orðalagi 4. liðar breytt þannig að bætt við í setninguna þeir sem sannanlega greiða ekki húsnæðiskostnað.

25. gr. Aðstoð til foreldra vegna barna á þeirra framfæri

Þegar foreldrar eru með fjárhagsaðstoð til framfærslu geta þeir einnig sótt um aðstoð vegna barna eftir því hvar lögheimili barns eða barna er skráð:

A. Þegar barn eða börn eru skráð með lögheimili hjá foreldri felst aðstoð í greiðslu/greiðslum vegna eftirfarandi:

- a. Daggæslu barna í heimahúsum.
- b. Leikskólagjalda.
- c. Skólamáltíða.
- d. Frístundagjalda í skóla.
- e. Skólagjalda og bókakostnaðar í framhaldsskóla.
- f. Tómstundaiðkunar barna.

Aðstoð er að hámarki kr. 20.000,- á mánuði fyrir hvert barn að uppfylltum skilyrðum í hverjum mánuði.

Skilyrði fyrir aðstoð samkvæmt ofangreindum e. lið, er að umsækjandi nýti sér fyrst rétt til frístundarstyrks vegna tómstundaiðkunar.

B. Þegar barn eða börn eru ekki með lögheimili hjá foreldri felst aðstoð í að greiða kr. 20.000,- af áfallandi meðlagi með hverju barni. Ekki er veitt aðstoð til að greiða uppsafnaðar meðlagskuldir. Staðfestur samningur um meðlagsgreiðslur skal liggja fyrir frá sýslumanni og greiðist styrkur til Innheimtustofnunar sveitarfélaga.

C. Í sérstökum undantekningartilfellum að mati starfsmanna og um er að ræða brýna þörf á sérstökum meðferðar- og /eða stuðningsúrræðum er heimilt að veita styrk fyrir útlögðum kostnaði í heild eða hluta. Í þeim tilvikum skal ætíð liggja fyrir samkomulag um félagslega ráðgjöf þar sem fram koma markmið með aðstoðinni og skal hún vera tímabundin og endurskoðuð á þriggja mánaða fresti. Þessari undanþágu er heimilt að beita í þeim tilfellum þar sem foreldrar eru í miklum fjárhagserfiðleikum en undanþágan er ekki bundin við tilvik þar sem foreldrar eru með fjárhagsaðstoð til framfærslu.

Orðalag B. Liðar skoðað með lögmanni sveitarfélagsins og ekki séð að þurfi að breyta orðalagi frekar.

Settur inn C liður sem fjallar sérstaklega um undantekningarheimildir í sérstökum tilfellum

32. gr. sérstök aðstoð vegna endurhæfingar

Heimilt er að veita einstaklingum sem taka þátt í markvissum stuðningi sérstaka aðstoð.

Skilyrði er að umsækjandi eigi, eða hafi átt í miklum félagslegum erfiðleikum og hafi, að mati starfsmanns, raunverulegan áhuga á endurhæfingu. Gerður skal samningur um félagslega ráðgjöf og þegar við á endurhæfingaráætlun hjá Tryggingastofnun ríkisins. Í áætlun skulu koma fram markmið, tímaáætlun, ábyrgð viðkomandi og tilgreind tegund aðstoðar, eftirfylgni og reglubundið mat á árangri.

Miða skal við að aðstoð samkvæmt greininni sé veitt einungis einu sinni og að hámarki í 6 mánuði til hvers einstaklings.

Hámark styrkveitingar samkvæmt greininni getur numið allt að kr. 130.000,- á mánuði og endurskoðast á minnst 3ja mánaða fresti.

Halda skal sérstaklega utan um fjölda einstaklinga sem fá styrkveitingu samkvæmt greininni.

Lagt til að sérstakri grein vegna endurhæfingar sé bætt við þar sem áhersla er á að geta stutt sérstaklega við þá sem eru í markvissum stuðningi og metið er af starfsmönnum að þurfi að styðja við fjárhagslega til endurhæfingar í átt að vinnufærni og/eða virkni í samfélaginu.

Um er að ræða nokkra einstaklinga árlega og aðallega þá sem hafa verið í lengri tíma á fjárhagsaðstoð og er þetta þá liður í að koma þeim úr vanvirkni og fátækragildru.